

ԲՈՎԱՆԴԱԿՈՒԹՅՈՒՆ

Ներածություն _____	3
1. Դպրոցի բնութագիրը _____	4
2. Դպրոցի առաքելությունը _____	5
3. Իրավիճակի վերլուծություն (ուժեղ և թույլ կողմեր) _____	7
4. Դպրոցի հիմնախնդիրների լուծման ուղիները, պատասխանատուներն ու կատարման ժամանակացույցը _____	10
5. Դպրոցի դաստիարակչական համակարգի կատարելագործումը _____	12
6. Ընտանիք-դպրոց համագործակցության բարելավում _____	14
7. Հայրենասիրական դաստիարակություն _____	15
8. Ուսուցչի առաքելությունն ու նրան ներկայացվող նոր պահանջները _____	16
9. Աշակերտական ինքնակառավարման բարելավումը _____	18
10. Զարգացման գերակայությունը _____	19
11. Դպրոցի զարգացման ծրագրից ակնկալվող արդյունքները _____	21

Ներածություն

Կրթությունը անձի, հասարակության և պետության շահերից ելնող ուսուցման և դաստիարակության գործընթաց է, որը նպատակաուղղված է գիտելիքները պահպանելու և սերունդներին փոխանցելու համար:

Հայաստանի Հանրապետության կրթական համակարգը նպատակաուղղված է հայ ժողովրդի հոգևոր և մտավոր ներուժի ամրապնդմանը, ազգային և համամարդկային արժեքների պահպանմանն ու զարգացմանը:

Կրթության բնագավառում պետական քաղաքականության հենքը ազգային դպրոցն է, որի գլխավոր նպատակը մասնագիտական պատշաճ պատրաստվածություն ունեցող և համակողմանիորեն զարգացած, հայրենասիրության, պետականության և մարդասիրության ոգով դաստիարակված անձի ձևավորումն է:

Կրթության բնագավառում պետական քաղաքականության կազմակերպման հիմքը կրթության զարգացման պետական ծրագիրն է, որը ՀՀ կառավարության ներկայացմամբ հաստատում է ՀՀ Ազգային ժողովը:

Դպրոցի զարգացման ծրագիրը (այսուհետ՝ ԴԶԾ) հանրակրթական ուսումնական հաստատության կարևորագույն ռազմավարական փաստաթուղթն է: Այն արտացոլում է դպրոցի 5 տարվա տեսլականը:

ԴԶԾ-ի հիման վրա պլանավորվում է աշխատանքը դպրոցում: Ալավերդու «Մտ. Շահումյանի անվան թիվ 5 ավագ դպրոցում» ՊՈԱԿ-ի զարգացման 2023-2028թթ. ծրագիրը մշակվել է «Հանրակրթության մասին» ՀՀ օրենքի հիմնադրություններին համապատասխան՝ հաշվի առնելով դպրոցի ձեռքբերումները և առկա հիմնախնդիրները:

Դպրոցի բնութագիրը

Դպրոցի կանոնադրությունը հաստատվել է 30.01.2012թ. հր. N 80-Ա-Ք իրավաբանական անձանց պետեգիստրում գրանցվել է 08.09.2003թ. գրանցման թիվ՝ 22221000193, վկայայան՝ 03-Ա-174948 ՀՎՀՀ 06604294:

- ✓ Դպրոցի գտնվելու վայրն է՝ ք. Ալավերդի, Խուդյակովի 2ա-22
- ✓ Դպրոցն ունի ՀՀ զինանշանով կլոր կնիք:
- ✓ Դպրոցական շենքը տիպային է, կառուցվել է 1957թ. ևսխատեսված է 400 աշակերտի համար:
- ✓ 2011 թվականից դպրոցն ունի ավագ դպրոցի կարգվիճակ:
- ✓ Դպրոցը միահերթ է և աշխատում է 5-օրյա աշխատանքային ռեժիմով:
- ✓ Դպրոցն ունի 6 դասասենյակ, գրադարան, 2 լաբորատորիա, 2 ռազմագիտության և 1 համակարգչային կենտրոն, արհեստանոց, սպորտային դահլիճ, բուժկետ, հաշվապահի սենյակ, տեխաշխատողների սենյակ, նախակրթարանի 2 դասասենյակ, ուսուցչանոց:
- ✓ 2022-2023 ուստարում կոմպլեկտավորվել է 6 դասարան՝ 96 աշակերտով:
- ✓ Դպրոցն ունի 28 աշխատակից, որոնցից 17 մանկավարժական աշխատողներ:
- ✓ 2-ը մասնակցելով կամավոր ատեստացիայի, բարձրացրել են իրենց դրույքաչափերը, 4 ուսուցիչներ ունեն 1-ին աստիճանի տարակարգ:
- ✓ Ուսուցիչների միջին ծանրաբեռնվածությունը 12 դասաժամ է:
- ✓ Դպրոցը հանդիսանում է ԿԶՆԱԿ-ի կողմից իրականացվող նոր ՀՊԶ վերապատրաստող մենթոր ավագ դպրոց: Դպրոցի տնօրենը, փոխտնօրենը և 2 ուսուցիչներ հանդիսանում են մենթորներ:

Դպրոցի առաքելությունը

Առաքելությունը կազմակերպության ցանկալի ապագայի մտապատկերն է:

Մեր օրերում և հասարակական գիտակցության, և պետական քաղաքականության մեջ կրթությունը, հատկապես որակյալ կրթությունը և դաստիարակությունը շարունակում են մնալ գերակայությունների շարքում՝ որպես ազգային արժեք և սոցիալ-տնտեսական առաջընթացի կարևոր գործոն: Կրթության բնագավառի գերխնդիրն է կրթության որակի բարձրացումը՝ ապահովելով համակարգի արդյունավետ գործունեությունը և քաղաքացիների իրենց ձգտումներին և ընդունակություններին համապատասխան կրթություն ստանալու հավասար մատչելիությունը:

Ալավերդու թիվ 5 ավագ դպրոցի առաքելությունը սովորողների հիմնական կրթությունից հետո ազգային հենքի վրա որակյալ ավագ կրթություն տալն է՝ կազմակերպելով նախամասնագիտական առարկաների խորացված և արդյունավետ ուսուցում, ապահովելով համակողմանիորեն զարգացած, հայրենասիրության և մարդասիրության ոգով դաստիարակված քաղաքացիների ձևավորումը՝ և կյանքում, և աշխատանքում իր տեղը գտնելու համար:

Ավագ դպրոցը շարունակելու է նախամասնագիտական ուսուցումն ու խորացված ուսուցումը հումանիտար և բնագիտամաթեմատիկական հոսքերում՝ ըստ աշակերտների նախասիրությունների:

Ուսուցումն ավագ դպրոցում, ունենալով մասնագիտական կողմնորոշվածության, միաժամանակ պետք է հնարավոր ճկունություն ապահովի, որպեսզի սովորողները, իրենց հավակնությունների և նախասիրությունների փոփոխության, ինչպես նաև ուսուցման ընթացքի արդյունքներից ելնելով, հնարավորություն ունենան վերակողմնորոշվելու: Նման ճկունություն ապահովելու նպատակով ավագ դպրոցում կրթության մասնագիտական շեշտվածությունը պետք է աճի աստիճանաբար՝ դասարանից դասարան: Թե ինչպիսին պետք է լինի ավագ դպրոցի կրթությունը, ինչ մարտահրավերներ պետք է այն հաղթահարի, հայտնի է բոլորիս, կամ համարյա հայտնի է: Սակայն դպրոցի բարեփոխումն այս դեպքում ոչ մի արդյունք չի ունենա, քանի դեռ չեն լուծվել մի քանի առավել կարևոր խնդիրներ:

Այսպիսով, ավագ դպրոցի առաքելությունն է՝ ապահովել.

1. Սովորողների պատրաստվածությունը ինքնուրույն կյանք վարելու.

2. Իրենց հակումներին, ընդունակություններին, կարողություններին և նախասիրություններին համապատասխան միջին կամ բարձրագույն մասնագիտական կրթություն ստանալու հնարավորությունը.
3. Կյանքում սեփական եսը գտնելու համար անհրաժեշտ գիտելիքներ, կարողություններ և հմտություններ.
4. Պետք է խթանի սովորողի, անհատի ազատ և համակողմանի զարգացումը.
5. Պետք է բավարարի սահմանված արժեքային համակարգին ներկայացվող պահանջները

ԻՐԱՎԻՃԱԿԻ ՎԵՐԼՈՒԾՈՒԹՅՈՒՆ

Դպրոցի ուժեղ և թույլ կողմերի, հնարավորությունների և վտանգների վերլուծություն

ՈՒԺԵՂ ԿՈՂՄԵՐ	ԹՈՒՅԼ ԿՈՂՄԵՐ
ԱՇԽԱՏԱԿԱԶՄ	
<ul style="list-style-type: none"> ➤ Դպրոցի տնօրենությունը ունի դպրոցի ղեկավարման և կառավարման անհրաժեշտ պատրաստվածություն, տիրապետում է դպրոցի ուսումնադաստիարակական, ֆինանսատնտեսական և կառավարման ոլորտների ղեկավարման առանձնահատկություններին: ➤ Դպրոցի գործունեությունը բաց է ու թափանցիկ, աշխատանքի արդյունքները տեսանելի են բոլորին: ➤ Դպրոցը համագործակցում է համայնքի հետ: ➤ Դպրոցը ուսումնադաստիարակչական հանցերում փորձում է ապահովել աշակերտակենտրոն մոտեցում՝ ներդաշնակորեն համադրելով ուսուցման ավանդական և արդիական մեթոդների կիրառումը: ➤ Ուսումնաօժանդակ կազմը պարտաճանաչ և պատասխանատու ձևով կատարում է իր պարտականությունները ➤ Ուսուցիչները համագործակցում են միմյանց հետ, որի արդյունքում աճել է ինտեգրված դասերի քանակը: ➤ Համագործակցություն այլ դպրոցների հետ: Աճել են ուսուցիչների ստեղծագործական աշխատանքի հմտությունները: ➤ Դպրոցի բարեփոխումները համախոհ ուսուցիչները առկայություն: ➤ Մանկավարժական ամբողջ անձնակազմը համայնքի բնակիչներ են՝ հարուստ աշխատանքային փորձով: ➤ Նորամուծությունների նկատմամբ մանկավարժների ցանկության առկայություն: ➤ Ռազմահայրենասիրական դաստիարակության պատշաճ մակարդակ: 	<ul style="list-style-type: none"> ➤ Թույլ սովորողների խրախուսման և ակտիվացման մեթոդների ոչ արդյունավետ կիրառումը: ➤ Կան ուսուցիչներ, ովքեր դեռ հրահանգողի դերում են, ինչը սահմանափակում է սովորողի ազատ մտածելու հնարավորությունը: ➤ Ուսուցիչներից ոմանք չեն կիրառում նոր տեխնոլոգիաներ: ➤ Անհրաժեշտ է վարպետորեն համադրել ուսուցման ժամանակակից, ավանդական մեթոդներն ու հնարները՝ օրինակելի դաս կազմակերպելու համար:

Կառավարման և խորհրդակցության մարմիններ	
<ul style="list-style-type: none"> ➤ Դպրոցում գործում են կանոնադրության համաձայն ձևավորված խորհուրդներ՝ կառավարման, մանկավարժական, ծնողական, աշակերտական: ➤ Դպրոցում գործում է 2 առարկայական մեթոդիկավորում, որոնք ամիսը 1 անգամ գումարում են նիստեր և արդյունավետ կազմակերպում աշխատանքները: ➤ Դպրոցը համագործակցում է ծնողների հետ. Գործուն մասնակցություն ունի համայնքի հիմնախնդիրների լուծմանը՝ աշակերտներին ներգրավելով այդ գործընթացներում՝ որպես կամավորների ➤ Մեծ ակտիվությամբ գործում է աշակերտական ինքնավարության մարմինը՝ աշակերտական խորհուրդը: ➤ Ստեղծված է դպրոցական կայք, որտեղ տեղադրված են ուսումնադաստիարակչական գործընթացին վերաբերող նյութեր: 	<ul style="list-style-type: none"> ➤ ԱԽ-ն թույլ է համագործակցում հասարակական կազմակերպությունների հետ: ➤ Դպրոցը չունի հոգաբարձուների խորհուրդ: ➤ Թույլ է գործում դպրոցի կառավարման խորհուրդը: ➤ Ծնողական խորհուրդը կարող է ավելի ակտիվ մասնակցություն ունենալ դպրոցի հեռանկարային պլանների քննարկմանը:

ՍՈՎՈՐՈՂՆԵՐ	
<ul style="list-style-type: none"> ➤ Աշակերտները ունեն բազմաբնույթ հետաքրքրություններ: ➤ Ակտիվ մասնակցություն են ունենում կազմակերպվող միջոցառումներին: ➤ Բարձր է հայրենասիրական ոգին: 	<ul style="list-style-type: none"> ➤ Որոշ աշակերտների անտարբերությունը ուսման նկատմամբ: ➤ Երեխաաները հաճախակի բացակայում են դասերից: ➤ Աշակերտների ինքնագնահատման օբյեկտիվությունը:
Դպրոցի շենքային պայմանները և նյութատեխնիկական բազան	
<ul style="list-style-type: none"> ➤ Դպրոցն ունի շուրջօրյա ջրամատակարարում: ➤ Դպրոցի լաբորատորիաները համալրվում են նոր գույքով և լաբորատոր սարքավորումներով: ➤ Դպրոցն ունի համակարգչային սենյակ, ինտերնետ կապ, սպորտային դահլիճ: ➤ Դպրոցում դասապրոցեսը կազմակերպված է 1 հերթով: ➤ Դպրոցն ունի շենքային լավ պայմաններ: 	<ul style="list-style-type: none"> ➤ Դպրոցի բաց սպորտհրապարակն ունի հիմնանորոգման կարիք: ➤ Համակարգչային սենյակը չունի համապատասխան համալրում: ➤ Առարկայական կաբինետները ապահովված չեն նոր սերնդի համակարգիչներով և էլեկտրոնային գրատախտակներով: ➤ Վերանորոգման կարիք ունի ջեռուցման համակարգը: ➤ Պատուհանները փոխելու կարիք կա:
Հաղորդակցություն, համագործակցություն	
<ul style="list-style-type: none"> ➤ Դասավանդման ընթացքում ուսուցիչներն աշակերտների միջև ստեղծում են փոխհամագործակցության կապեր: Ակտիվ է համագործակցությունն այլ դպրոցների հետ: Իրականացվում են դպրոց-ընտանիք փոխհամագործակցությունն ամրապնդող միջոցառումներ: 	<ul style="list-style-type: none"> ➤ Թույլ է խորհուրդների միջև համագործակցությունը:
Բյուջե, Ֆինանսներ	
<ul style="list-style-type: none"> ➤ Կայուն պետական ֆինանսավորում: ➤ Ֆինանսների ճիշտ և գրագետ բաշխում: 	
Հնարավորություններ	
<ul style="list-style-type: none"> ➤ Մանկավարժության ժամանակակից պահանջներին համապատասխան հմտությունների, կարողությունների, արժեքային համակարգի ձևավորում: ➤ Կրթության որակի բարձրացում: ➤ ՏՀՏ-ների կիրառում դասի ընտացքում: ➤ Աշխատանքային կազապահության բարձրացում; 	

ԴՊՐՈՑԻ ՀԻՄՆԱԽՆԴԻՐՆԵՐԻ ԼՈՒԾՄԱՆ ՈՒՂԻՆԵՐԸ՝ ՊԱՏԱՄԽԱՆԱՏՈՒՆԵՐՆ ՈՒ ԿԱՏԱՐՄԱՆ ԺԱՄԱՆԱԿԱՑՈՒՅՑԸ

Առկա հիմնախնդիրներ	Հիմնախնդիրների լուծման գործողություններ	Պատասխանատուներ	Կատարման ժամանակացույց	Հնարավոր վտանգներ
Հոգաբարձուների խորհրդի Բացակայություն	1. Ծնողական խորհրդի, նախկին շրջանավարտների, Համայնքի օգնությամբ Հնարավորության Դեպքում ստեղծել հոգաբարձուների խորհուրդ:	Տնօրեն, Ծնողական Խորհուրդ, Կառավարման խորհուրդ	2023-2028թթ.	Համայնքի պասիվություն
Դպրոցի տեխնիկապես հագեցվածություն	<p>1. Հոգաբարձուների խորհրդի միջոցով լրացուցիչ արտաբյուջետային միջոցների հայթայթում</p> <p>2. Համապատասխան Պահանջարկի և Հնարավորությունների դեպքում կանոնադրությամբ սահմանված կարգով իրականացնել ձեռնարկատիրական գործունեություն:</p> <p>3. Պետական ֆինանսավորման միջոցների արդյունավետ օգտագործում</p>	Տնօրեն, տնօրենի տեղակալներ, դասղեկներ, ծնողական խորհուրդ, հաշվապահ	2023-2328թթ.	<p>1. Հոգաբարձուների խորհրդի ձևավորման անհնարինություն</p> <p>2. Ֆինանսական միջոցների բացակայություն, ձեռնարկատիրական գործունեության իրականացման անհնարինություն</p>
Ուսուցիչների նկատմամբ խրախուսման և տույժի կիրառման Բացակայություն	Իրականացնել պաշտոնի նկարագրով սահմանված պարտականությունների կատարման դեպքում խրախուսման գործողություններ/ պատվոգրեր, դրամական պագներ, պաշտոնական աճ/:	Տնօրեն, տնօրենի տեղակալներ, ՕԽ նախագահ	2023-2028թթ.	Ծագած խնդրի ոչ լիարժեք արժևորում, որի դեպքում կիրառվում է արտաքին ոչ համապատասխան գործողություն

<p>Աշակերտական խորհրդի գործունեության ակտիվացում</p>	<p>Ուսումնասիրել հանրապետությունում գոյություն ունեցող փորձը: Իրականացնել դասղեկների վերապատրաստում: Կազմակերպել աշակերտական խորհրդի վարչական տույժի կիրառում օրենքով սահմանված կարգով:</p>			
<p>Դպրոցի դաստիարակչական համակարգի կատարելագործում</p>	<p>Բարձրացնել տնօրենի՝ կրթական աջակցությունների գծով տեղակալի, դասղեկների մասնագիտական մակարդակը վերապատրաստումների միջոցով</p>	<p>Տնօրեն, ՄԿԱ տեղակալ, դասղեկներ</p>	<p>2023-2028թթ</p>	<p>Վերապատրաստում</p>
<p>Աշակերտների խրախուսման և տույժի կիրառման մեխանիզմների բացակայություն</p>	<p>Աշակերտների խրախուսման և տույժի կիրառման մեխանիզմների ակտիվացման գործում ընդգրկել դասղեկներին, մանկավարժական կազմին, աշակերտական խորհրդին, ինչպես նաև ՕԽ-ին, ՀԽ-ին:</p>	<p>Տնօրեն, տնօրենի տեղակալներ, դասղեկներ Աշակերտական խորհուրդ, ՕԽ՝ ՀԽ</p>	<p>2023-2028թթ.</p>	<p>Օրենքով սահմանված կարգով տույժի և խրախուսման քայլի ոչ ճիշտ իրականացում</p>

ԴՊՐՈՑԻ ԴԱՍՏԻԱՐԱԿՉԱԿԱՆ ՀԱՄԱԿԱՐԳԻ ԿԱՏԱՐԵԼԱԳՈՐԾՈՒՄԸ

Դաստիարակությունը հանրակրթության կարևորագույն բաղադրիչ մասերից մեկն է, և հենց դպրոցին և ուսուցչին է բաժին ընկնում դաստիարակչական գործընթացի զգալի բաժինը, որի մի մասն էլ աշխատանքն է ծնողների հետ:

Դաստիարակչական համակարգի նպատակն է՝

- Օգնել սովորողին՝ առանց սթրեսների հարմարվելու իր «աշխարհում» անընդհատ տեղի ունեցող փոփոխություններին.
- Նպատակաուղղել սովորողին ազգային և համամարդկային արժեքների համակարգում ձևավորելու որպես ապագա քաղաքացու.
- Զարգացնել սովորողների ճանաչողական ակտիվությունը.
- Աշակերտի մոտ ձևավորել հարգալից վերաբերմունք լեզվի, մշակույթի և ազգային ավանդույթների նկատմամբ՝ դարձնելով աշակերտներին այդ արժեքների կայուն կրողը.
- Յուրաքանչյուր անհատի մոտ ստեղծել ինքնակատարելագործման ներքին պահանջ.
- Ընդգրկել սովորողներին արտադասարանական և արտադպրոցական ոլորտում
- Ապահովել մասնագիտական կողմնորոշումը:

Վերոնշյալ խնդիրները նպատակ են հետապնդում ստեղծելու հնարավորինս միասնական դաստիարակչական միջավայր: Դպրոցի դաստիարակչական միջավայրը ներառում է՝

- ✓ Դպրոցի անձնակազմը
- ✓ Ակտիվ ծնողական համայնքը
- ✓ Դասարանական անձնակազմը
- ✓ Աշակերտական ինքնավարության ձևավորումը
- ✓ Դպրոցի ավանդույթները

Իմ կարծիքով դպրոցում դաստիարակչական համակարգի կատարելագործման նպատակով անհրաժեշտ է՝

- Դաստիարակչական գործընթացում առաջնորդվել միասնական սկզբունքներով և կանոններով, միասնական մանկավարժական պահանջներով,
- Ծնողներին ակտիվորեն ընդգրկել դպրոցի դաստիարակչական գործընթացի մեջ,
- Մշտապես մոնիթորինգի ենթարկել, վերլուծել դպրոցի դաստիարակչական միջավայրը և բացահայտել առկա խնդիրները և բացթողումները՝ ձեռնարկել անհրաժեշտ միջոցառումներ,
- Ամրապնդել ինչպես աշակերտների միջև, այնպես էլ աշակերտների և ուսուցիչների միջև համագործակցությունը,

- Յուրաքանչյուր աշակերտի նկատմամբ ցուցաբերել անհատական մանկավարժական աջակցություն,ինչպես նաև հատուկ մանկավարժական միջոցառումներ դժվար դաստիարակվող երեխայի հետ,
- Դասղեկական ժամերին, արտադասարանական և արտադպրոցական միջոցառումների միջոցով իրականացնել բարոյական և հայրենասիրական դաստիարակչական ծրագրեր,
- Մշտապես կարևորել ինքնադաստիարակությունը,
- Աշխատանքները կազմակերպել այնպես, որ աշակերտների մոտ ինքնուրույն վերափոխվելու ցանկություն առաջանա:

Դպրոցում ուսումնական և դաստիարակչական համապատասխան միջավայրի ստեղծումը կնպաստի աշակերտների սոցիալականացմանը, նրանց հոգևոր, բարոյական և ֆիզիկական զարգացմանը, առողջության պահպանմանը: Այս առումով կարևորում եմ նաև իմ՝ տնօրենի, ապա փոխտնօրենի՝ ուսումնական աշխատանքների գծով, մասնագիտացված կրթական աջակցությունների գծով տեղակալի, սովորողների հետ դաստիարակչական աշխատանքների կազմակերպչի, բոլոր ուսուցիչների, զինվորական պատրաստության և անվտանգ կենսագործունեության ուսուցչի /զինղեկ/, գրադարանավարի և մյուսների դերը և անձնական օրինակը:

ՍՊԱՍՎՈՂ ԱՐԴՅՈՒՆՔՆԵՐԸ

- Դաստիարակչական աշխատանքների համակարգը նպատակաուղղել համակողմանի զարգացած, առողջ հոգեբանություն և ինքնուրույն գործելակերպի տեր սերունդ ունենալու խնդրին:
- Ապահովել ու ամրապնդել ուսումնական և դաստիարակչության միասնականությունը:
- Ընդլայնել սովորողների հետաքրքրությունների շրջանակը:

ԸՆՏԱՆԻՔ-ԴՊՐՈՑ ՀԱՄԱԳՈՐԾԱԿՑՈՒԹՅԱՆ ԲԱՐԵԼԱՎՈՒՄ

Դաստիարակությունը հաջողությամբ է պսակվում, եթե ընտանիքի հետ աշխատանքը և երեխայի դաստիարակությունը կատարվում են միաժամանակ: Այսօրվա պայմաններում առանց ընտանիքի հետ ձևավորված համագործակցության առկայության հնարավոր չէ արդյունավետ կերպով կազմակերպել սովորողների հետ աշխատանքը:

Ընտանիք-դպրոց համագործակցության բարելավումը նպատակ ունի՝

- Ավելի արդյունավետ դարձնելու ընտանիք-դպրոց փոխհարաբերությունները՝ բարձրացնելու փոխադարձ վստահության մակարդակը,
- Բարձրացնելու աշակերտների ուսուցման արդյունքների համար ծնողների պատասխանատվությունը,
- Ծնողին ավելի ակտիվորեն ներգրավելու դպրոցի գործունեության մեջ,
- Բարձրացնելու ծնողների և ուսուցիչների խմբային աշխատանքների արդյունավետությունը:

Ընտանիք-դպրոց համագործակցության բարելավման համար անհրաժեշտ է՝

Դպրոցի և ծնողների համագործակցության բովանդակության մեջ ներառել հետևյալ հիմնական ուղղությունները՝

- Ծնողների հոգեբանամանկավարժական տեղեկացվածության բարձրացում,
- Ուսումնադաստիարակչական գործընթացին ծնողների մասնակցության ընդլայնում,
- Դպրոցի կառավարման գործընթացում ծնողների մասնակցության մեծացում,
- Հանձնարարել դասղեկներին անվերապահորեն ծանոթանալ յուրաքանչյուր աշակերտի ընտանիքի հետ: Դասղեկը պետք է տեղյակ լինի այն սովորողների մասին, որոնց ծնողները միայնակ են, հաշմանդամ կամ գործազուրկ, զոհվել են, կամ որոնց ընտանիքները նյութապես անապահով են և ունեն կյանքի անբավարար պայմաններ,
- Կատարելագործել՝ ծնողի հետ աշխատանքի ավանդական մեխանիզմները և պարբերաբար կազմակերպել ծնողական և անհատական զրույցներ,
- Ապահովել դասարանական և ծնողական խորհուրդների ակտիվ գործունեությունը,
- Ծնողների և երեխաների համատեղ մասնակցությամբ պարբերաբար կազմակերպել տարբեր միջոցառումներ,
- Ոգևորել և խրախուսել դպրոցի կյանքին ակտիվորեն մասնակցություն ցուցաբերած ծնողների անհատական նախաձեռնությունները, խրախուսել երեխաների և ծնողների համատեղ ստեղծագործական գործունեությունը,
- Ամրապնդել ծնողական խորհրդի կապը աշակերտական, մանկավարժական և կառավարման խորհուրդների հետ:

ՀԱՅՐԵՆԱՍԻՐԱԿԱՆ ԴԱՍՏԻԱՐԱԿՈՒԹՅՈՒՆ

Դպրոցում բարելավել պետական խորհրդանիշների հանրահռչակման անկյունը: Մշակել քաղաքացիական դաստիարակության ծրագիր, որը կօգնի ձևավորել այնպիսի քաղաքացու, որը ազգային-պետական, հոգևոր-մշակութային արժեքների կատարմամբ մեծ հարգանք կունենա:

Մատաղ սերնդի հայրենասիրության դաստիարակությունը մշտապես գտնվել է ժամանակակից դպրոցի ուշադրության կենտրոնում, քանի որ մանկությունը ու պատանեկությունը ամենանպաստավոր շրջանն են անձի մոտ հայրենիքի նկատմամբ իր պատկերացումները ճիշտ ձևավորելու, սիրո զգացմունքն արտահայտելու և որպես հայրենիքի պաշտպանի գիտակցումը սերմանելու համար:

Ծրագիրը հիմնականում պետք է արտահայտված լինի դասղեկների տարեկան աշխատանքային պլաններում, ինչպես նաև առանձին առարկաների դասաժամերին ինտեգրված դասերի ձևով՝ սովորողների մոտ սերմանելով այդարժեքները: Դա կարելի է իրականացել հետևյալ կերպ՝

- Պատմամշակութային օբյեկտների այցելությունների կազմակերպում:
- Հնարավորություն ստեղծել պատմական Հայաստանի տարածքներ այցելություններ կազմակերպելու համար:
- Ազգային հերոսներին նվիրված արիության դասերի, բաց դասերի անցկացում:
- Համալիր միջոցառումների անցկացում ազգային պետական տոների օրերին:

ՈՒՍՈՒՑՉԻ ԱՌԱՔԵԼՈՒԹՅՈՒՆԸ ԵՎ ՆՐԱՆ ՆԵՐԿԱՅԱՑՎՈՂ ՆՈՐ ՊԱՀԱՆՁՆԵՐԸ

Ուսուցիչը պետք է գիտակցի բարեփոխումների անհրաժեշտությունը և անհատի ձևավորման գործում իր մասնակցության կարևորությունը, ունենա մասնագիտական անհրաժեշտ պատրաստվածություն և բարոյական որակներ, կարևորի սովորելու և սովորացնելու ժամանակակից մեթոդները, մշտապես կատարելագործի իր մասնագիտական կարողությունները, պարբերաբար մասնակցելով վերապատրաստման դասընթացներին՝ զբաղվի ինքնակրթությամբ:

Այսօր կրթությունը խրախուսում է ուսուցչի ստեղծագործական մոտեցումը դասավանդման և կրթության կազմակերպման գործընթացում միաժամանակ պահանջելով նրանից զարգացնել անհրաժեշտ կարողություններ:

Ժամանակակից կրթության հարացույցը ներկայացվում է 4 հիմնական բաղադրիչներով.

- 1. Ճանաչողական
- 2. Մարդակենտրոն / երեխայակենտրոն
- 3. Մատչելիության / բոլոր սոցիալական խավերի, բոլոր կարողությունների տեր մարդկանց համար /
- 4. Մշակութահեն / հարգել սովորողների մշակութային տարբերությունները/:

Յուրաքանչյուր ուսուցիչ.

- Պետք է կարողանա հաշվի առնել իր առարկայի հիմքը, դրսևորել քննադատական մտածողություն և պատկերացնել միջառարկայական կապը, նպաստել հանդուրժողականության մթնոլորտի ձևավորմանը, ապահովել փոխադարձ հարգանք,
- Անհատականացնի ուսուցման գործընթացը, նպաստի սովորողների ինքնուրույն զարգացմանը,
- Պետք է կիրառի գնահատման տարբեր գործիքներ ուսուցման գործընթացը կատարելագործելու համար,
- Պետք է ակտիվորեն կիրառի ժամանակակից տեխնոլոգիաները՝ ուսուցման արդյունավետությունը բարձրացնելու նպատակով,
- Ցուցաբերի նախաձեռնություն մասնագիտական զարգացման նկատմամբ պատասխանատվության բարձրացման հարցերում:

Մանկավարժական համակազմի հետ աշխատանքի նպատակն է՝

- Յուրաքանչյուր ուսուցչի համար դպրոցում ստեղծել հարմարավետ ստեղծագործական միջավայր
- Տարածել առաջավոր մանկավարժական փորձը / մասնախմբի նիստերում, գործնական պարապմունքների, դասալսումների վերլուծության, մանկավարժական գիտաժողովների, կոնֆերանսների և նմանատիպ այլ միջոցառումների ժամանակ/,
- Բարելավել մանկավարժական անձնակազմի մասնագիտական որակը,

- Խրախուսել մանկավարժներին՝ հետազոտական աշխատանքներ կատարելու և սեփական գիտակրթական նյութերը ներկայացնելու համար՝ ապահովելով նրանց մանկավարժական աճը:

Մանկավարժական համակազմի հետ աշխատանքի կատարելագործման նպատակով անհրաժեշտ է՝

- Մանկավարժների համար դպրոցում ստեղծել տեղեկատվական մի համակարգ, որի միջոցով ուսուցիչը հնարավորություն կունենա մշտապես համալրելու իր գիտելիքները հետևյալ ուղղություններով՝
- Դպրոցի և կրթության նկատմամբ նոր պահանջներ
- Ժամանակակից մանկավարժական փորձ
- Հոգեբանություն և մանկավարժություն

ԱՇԱԿԵՐՏԱԿԱՆ ԻՆՔՆԱՎԱՌԱՎԱՐՄԱՆ ԲԱՐԵԼԱՎՈՒՄԸ

Աշակերտական ինքնավարությունը, 2011թ.ի մայիսի 27-ին ՀՀ կրթության և գիտության նախարարի թիվ 571-ի հրամանով հաստատված աշակերտական խորհրդի կանոնների համաձայն, դպրոցում յուրաքանչյուր ուսումնական տարում ձևավորվում է աշակերտական ինքնավարության մարմին: Բոլորը աշակերտների ինքնավարության մեջ պետք է տեսնեն ոչ թե երեխայի կամ մի խումբ երեխաների կողմից մյուսների հանդեպ իշխանության չարաշահման միջոց, այլ քաղաքացիական հասարակության մեջ կառավարելու ընդունակությունների ձեռքբերման և քաղաքացիական հասարակություն տեսնելու համոզմունքի ձևավորում:

Առաջարկվող միջոցառումների արդյունքում ակնկալվում , որ դպրոցում՝

- Կհամախմբվի աշակերտական համակազմը:
- Կձևավորվեն և կպահպանվեն նոր ավանդույթներ:
- Աշակերտները ձեռք կբերեն կյանքի հմտություններ:
- Կբարձրանա միջոցառումներին մասնակցելու աշակերտների ցանկությունն և անհրաժեշտ պայմաններ:
- Կբարձրանա կարգապահությունը, մանկավարժական համակազմի պատասխանատվությունը, աշակերտի կյանքում՝ դպրոցի դերը:

ԶԱՐԳԱՑՄԱՆ ԳԵՐԱԿԱՅՈՒԹՅՈՒՆԸ

« Ալավերդու Ստ. Շահումյանի անվան թիվ 5 ավագ դպրոց » ՊՈԱԿ-ում կրթության բնագավառի գերխնդիրը շարունակում էմանկ կրթության որակի բարձրացումը և սովորողների կողմից իրենց ձգտումներին և ընդունակությունների համապատասխան կրթություն ստանալու հավասար մատչելիությունը: Դրան նպաստելու համար անհրաժեշտ էմ համարում՝

ա/ *Ընդլայնել դպրոցի Կառավարման խորհրդի աշխատանքները հետևյալ ուղղություններով՝*

- Նյութատեխնիկական բազայի հարստացման ուղղությամբ որոշումների ընդունում, պետական լիազոր մարմնին առաջարկությունների ներկայացում,
- Դպրոցի ծնողական խորհրդի գորխունեության վերաբերյալ առաջարկությունների ներկայացում,
- Դպրոցի դերի և հեղինակության բարձրացում համայնքի բնաչության շրջանում,
- Փորձիփոխանակման, ուսուցիչների ևաշակերտների փոխանակման նպատակով արտասահմանյան որևէ կրթական հաստատության հետ կապի ստեղծում:

բ/ *Բարելավել Ծնողական և Աշակերտական խորհուրդների դերը և նրանց ընդգրկել ուսումնական կարևորագույն գործառույթներում, հատկապես ծնողների՝ որպես առաջնային շահառուների հետ համագործակցությունը պետք է ավելի ակտիվ լինի: Այս առումով Ծնողական խորհրդին պետք է վերապահել նաև հետևյալ լիազորությունները.*

- Ծնողի և դպրոցի միջև կապերի ամրամնդում,
- Ծնողների և մանկավարժական համակազմի կողմից երեխաների դաստիարակության հարցում մ,իասնական պահանջների ձևավորում,
- Արտադպրոցական և արտադասարանական դաստիարակչական աշխատանքներիծնողների ակտիվ մասնակցություն,
- Դպրոցի շրջանակներում որոշումների կայացման գործին ծնողների մասնակցության նպաստում:
- Ճշտել դպրոց հաճախող երեխաների թիվը, որոնք օգտվում են «Փարոս» ծրագրից,
- Երկկողմանի ծնողագուրկ երեխաների թիվը,
- Միակողմանի ծնողագուրկ երեխաների թիվը,
- Հաշմանդամ աշակերտների վերաբերյալ տեղեկություններ,
- Նյութապես անապահով սովորողների կազմը,
- Ծնողների խնամքից զրկված աշակերտների թիվը,
- Միայնակ մոր խնամքի տակ գտնվող աշակերտների մասին տվյալներ,
- Աշակերտների թիվը, որոնց ծնողները գտնվում են արտերկրում:

գ/ դպրոցում ստեղծել էլեկտրոնային գրադարան. էլեկտրոնային ձեռնարկներով իրականացնել հեռավար ուսուցման ներդրման փորձարարական ծրագիր,

դ/ ընդլայնել SՉS-ի ներդրման գործընթացը, ձեռք բերել նոր համակարգիչներ: Հասնել նրան որ յուրաքանչյուր ուսուցիչ տիրապետի համակարգչային ծրագրերին և կարողանա ազատ օգտվել համացանցից:

Ակնկալվող արդյունքները

- Հանրակրթության մատչելիություն յուրաքանչյուր երեխայի համար:
- Սոցիալապես անապահով ընտանիքների երեխաներին աջակցության ցուցաբերում:
- Դասագրքերի վարձավճաների զեղչերի կիրառում:
- Կառավարության և բարեգործական հիմնադրամների, եկեղեցու կողմից կազմակերպված ամառային ճամբարներում այդպիսի երեխաների մասնակցության ապահովում:

ԴՊՐՈՑԻ ԶԱՐԳԱՑՄԱՆ ԾՐԱԳՐԻՑ ԱԿՆԿԱԼՎՈՂ ԱՐԴՑՈՒՆՔՆԵՐԸ

Որպես Ալավերդու թիվ 5 ավագ դպրոցի դպրոցի տնօրենի հավակնորդ՝ սույն զարգացման ծրագրով հնգամյակում /2023-2028թթ./ նախատեսված աշխատանքների բարեհաջող կատարման արդյունքում ակնկալում եմ՝

- Աշակերտ-ուսուցիչ, աշակերտ-ծնող, աշակերտ-համայնք, դպրոց-վարչական տարածք հարաբերությունների ամրապնդում:
- Դպրոցի և ուսուցչի հեղինակության բարձրացում:
- Դպրոցի ուսումնանյութական բազայի հարստացում:
- Աշակերտների կրթության որակի էական բարելավում:
- Ուսուցիչների վերապատրաստումների և ատեստավորումների արդյունքում դասավանդող կադրերի որակական կարողությունների հզորացում և տարակարգ ունեցող ուսուցիչների թվի ավելացում:
- Տեղեկատվական հաղորդակցության տեխնոլոգիաների կիրառության ընդլայնում:

Հիմք ընդունելով կառավարության նորմատիվային փաստաթղթերը, Ալավերդու թիվ 5 ավագ դպրոցի մոտակա 5 տարիների համար նախատեսված զարգացման ծրագիրը՝ իմ բոլոր ջանքերն ու եռանդը նպատակաուղղելու եմ դպրոցի գործունեության բարեփոխմանն ու առաջընթացի կայունացմանը:

Դպրոցը պիտի հաղթահարի առկա խնդիրները, հասնի նրան, որ յուրաքանչյուրը գիտակցի հասարակական հարաբերությունների զարգացման ներկա միտումների հետ կապված միջնակարգ դպրոցի շրջանավարտներին ներկայացրող արդի պահանջները՝ սահմանված կրթակարգով և հանրակրթության պետական չափորոշիչներով, քանզի հասարակական գիտակցության պետական քաղաքականության մեջ կրթությունը, հատկապես որակյալ կրթությունը և դաստիարակությունը շարունակվում են: